

唐僧弘秀集序

漢陽李廷相雙
檜堂書畫私印

荅氏
公惠



古之吟詠情性一本於詩詩至唐為盛唐之詩
 僧亦盛唐一代為高道為內供奉名弘才秀者
 三百年間今得五十二人詩五百首或取於各
 僧本集或出於諸家纂錄皆有拔山之力搜海
 之功風致不塵一字弗贅發音雄富羣立崢嶸
 名曰唐僧弘秀集不敢藏於巾笥刊梓用傳識
 者第毫殘松管燈焰蘭膏截錦揚珠神愁鬼毒

弘秀集序

詩教湮微取以爲緇流砥柱藝苑規衡非假沽
名鼓吹於江湖也兼禪餘風月客外山川千古
之下一目可見耳皇宋寶祐第六春中和節日
荷澤李龔和父序

臨安府棚北大街睦親坊南陳解元宅書籍鋪刊行

目錄無

唐僧弘秀集目錄

卷一

皎然 七十首

卷二

霽徹 十一首

霽一 二十八首

惟審 二首

卷三

護國 十首

無可 二十五首

卷四

清塞 四十五首

卷五

文益 二首

可止 四首

清江 十三首

法照 三首

寶月 一首

廣宣 七首

卷六

貫休 六十一首

卷七

齊已 六十首

無本 四首

卷八

修睦 十二首

無悶 二首

太易 一首

景雲 三首

法振 十一首

栖白 十四首

隱巒 四首

處默 六首

卷九

卿雲 四首

栖一 一首

澹交 二首

良父 一首

若虛 二首

雲表 一首

曇城 二首

子蘭 十四首

僧鸞 二首

懷楚 二首

惠標 四首

可朋 一首

懷浦 二首

幕幽 四首

善生 四首

亞栖 二首

卷十

尚顏 十八首

栖蟾 十七首

理瑩 一首

歸仁 六首

玄寶 一首

虛中 九首

惠侃 一首

法宣 一首

文秀 一首

僧泚 一首

清尚 二首

智暹 一首

唐僧弘秀集目錄終

唐僧弘秀集卷一

克徐李
學健黃振宜
歲書

荷澤李

龔和父編

皎然七十首

憂銅椀為龍吟歌 并序

唐故太尉房公瑄早歲曾隱終南山峻壁之
下往往聞龍吟聲清而靜滌人邪想時有好
事僧潛憂以五金寫之惟銅聲酷似他日房

公偶至山寺聞林嶺間有此聲乃曰龍吟復
遷於茲矣僧因之出其器以告公公命戛之
驚曰真龍吟也大曆十三載秦僧傳至桐江
予使兒童戛金放之亦不減秦聲也緇人或
有識者予曰此達僧之事可以嬉禪爾曹無
以瑣行自拘因賦詩以見其意

逸僧戛椀爲龍吟世上未曾聞此音一從太尉
房公賞遂使秦人傳至今初戛徐徐聲漸顯樂

章不管何人辨似出龍淵萬丈底乍怪聲來近

而遠未必全由戛者工聲生虛無非椀中寥亮

掩清狷縈迴凌細風遙聞不斷在煙杪萬籟無

聲天境空

聽專一境則衆音不聞非萬籟之無聲也

昨向天台宿華

頂秋宵一吟更清迴能令聽者易常性憂人忘

憂躁人靜今日鏗鏗江上聞蛟螭奔飛如得羣

聲過陰嶺忽成雨響駐晴天將起雲坐來吟盡

江空碧却尋向者聲無迹人生萬事將此同暮

賤朝榮動還寂

周昉長史畫毘沙門天王歌

長史畫神獨感神高步區中無兩人雅而逸高
且真形生虛無忽可親降魔大戟縮在手倚天
長劔橫諸紳慈威示物雖凜栗在德無秋惟有
春吾知真像本非色此中妙用君心得苟能下
筆合神造誤點一點亦爲道寫出霜縑可舒卷
何人曾識此情遠秋齋清寂無外物盥手焚香

宗奉三缺

聊自展憶昔胡兵圍未解感得此神天上下至
今雲旗圖我形爲君一顧煙塵清

買藥歌送楊山人

華陰少年何所希欲餌丹砂化骨飛江南藥少
淮南有暫別胥門出京口京口斜通江水流徘徊
迴應上青山頭夜驚潮沒鷓鴣堰朝看日出芙蓉
樓搖蕩春風亂帆影片雲無數是揚州揚州
喧喧賣藥市浮俗無由識仙子河間姹女直干

金紫陽夫人服不死吾於此道復何如昨朝新
得蓬萊書

飲茶歌送鄭客

丹丘羽人輕玉食採茶飲之生羽翼

天台記云丹丘出大

茗服之羽化

名藏仙府世空知骨化雲宮人不識雪

山童子調金鑄楚人茶經虛得名霜天半夜芳
草折爛熳細花啜又生賞君茶祛我疾使人胸
中蕩憂慄日上香鑪情未畢亂踏虎溪雲高歌

送君出

姑蘇行

古臺不見秋草萋却憶吳王全盛時千年月照
秋草上吳王在時幾回望至今月出君不還世
人空對姑蘇山山中精靈安可覩轍跡人踪麋
鹿聚嬋娟西子傾國容化作寒陵一堆土

短歌行

古人若不死吾亦何所悲蕭蕭煙雨九原上白

楊青松葬者誰貴賤同一塵死生同一指人生
在世共如此何異浮雲與流水短歌行短歌無
窮日已傾鄴宮梁苑徒有名春草秋風傷我情
何爲不學金仙侶一悟空王無死生

效古

天寶十四年作

日出天地正煌煌闢晨曦六龍驅羣動古今無
盡時夸父亦何愚競走先自疲飲乾咸池水折
盡長桑枝渴死化燭火嗟嗟徒爾爲空雷鄧林
在摧折令人嗤

寓興

天下生白榆白榆直上連天根高枝不知幾萬
丈世人仰望徒攀援誰能上天採其子種向人
間笑桃李因問老仙求種法老仙哈哈不我答
始知此道無所成還如瞽夫學長生

答蘇州韋使君

應物

詩教殆淪缺庸音互相傾忽觀風騷韻會我宿

昔情蕩漾學海資鬱爲詩人英格將寒松高氣
與秋江清何必鄴中作可爲千載程受辭分虎
竹萬里臨江城一到掃煩政況今休黷兵應憐
禪家子林下寂無營跡墮世上華心得道中精
脫略文字累免爲外物撓書衣流埃積硯石駁
蘇生恨未識君子空傳手中瓊安無誘我性始
願懲素誠爲無鷲鷲音繼公雲和笙吟之向禪
藪反媿幽松聲

酬李司直從諸公冬日遊妙喜寺題照昱

二上人房寄長城潘丞述

達賢貴貞隱常懼迹不滅遂與永公期遺身坐
林樾華軒何麟麟爲我到幽絕心境寒草花空
門青山月潘生獨不見清景屢盈缺林下長寂
寥人間自離別何時解輕珮來稅丘中轍

山居示靈徹上人

晴明路出山初煖行踏春蕪看茗歸乍削柳枝

聊代札時窺雲影學裁衣身開始覺隳名是心
了方知苦行非外物寂中誰似我松聲草色共
無機

酬薛員外誼苦熱行

六月金數伏茲辰日在庚炎曦曝肌膚毒霧昏
檐楹安得奮翅翮超遙出雲征不知天地心如
何匠生成火德燒百卉瑤草不及榮省客當此
時忽貽懷中瓊捧煩袂滌嘯歌美風生遲君
佐元氣調使四序平中令霜不祆火餘氣常貞
江南詩騷客休吟苦熱行

訪陸羽處士不遇

太湖東西路吳王古山前所思不可見歸鴻自
翩翩何山賞春茗何處弄汲春泉莫是滄浪子悠
悠一釣船

戲題贈吳憑

予讀古人書遂識古人面不是識古人邪正心

自見貴義輕財求俗譽一錢與人便驕倨昨朝
爲火今爲冰此道非君獨撫膺

奉應顏使君真卿與陸處士羽登妙喜寺

三癸亭

秋意西山多列岑縈左次繕亭歷三癸

以癸丑歲癸卯

朔癸亥日立故名顏名陸創

疏址鄰釋寺元化隱靈蹤始君

啓高致誅榛養翹楚鞭草理芳蕙俯砌披水容

通天掃峰翠境新耳目換物遠風烟異倚石忘

世情援雲得真意嘉林幸勿翦禪侶欣可庇衛
法大臣過佐遊羣英萃龍池護清澈虎節到深
邃徒想峰頂期于今沒遺記

冬日天目西峰張鍊師所居

採薪逢野泉漸見棲關所坎坎山上聲幽幽林
中語仙卿何代隱鄉服言亦楚開冰洗藥苗掃
雪候山侶零葉聚敗籬幽花積寒渚冥冥孤鶴
性天外思輕舉

出遊

少時不見山便覺無奇趣
狂發從亂歌情來任
開步此心誰共證
笑看風吹樹

題周諫別業

隱身茗上欲如何
不着青袍愛綠蘿
柳巷任疎容騎入水籬從破許
船過昂藏獨鶴關心遠
寂歷秋花野意多
若訪禪齋遙可見
竹窓書幌共煙波

奉酬李員外嘉祐蘇臺屏居春首有懷

昔歲爲邦初未識
今朝休沐始相親
移家水巷貪依靜
種柳風窓欲占春
詩思先邀烏府客
山情闕訪白樓人
登臨許作煙霞伴
高在方袍閱幅巾

送關小師還金陵

如何有歸思
愛別欲忘難
白鷺沙洲晚
青龍水寺寒
蕉花鋪淨地
桂子落空壇
持此爲心境
應

堪月夜看

酬襄陽詩僧少微

詩中答上人
歸夢之意

證心何有夢示說夢歸頻文字齋秦本

法華文
字多宏

本秦詩騷學楚人蘭開衣上色柳向手中春別後

須相見浮雲是我身

早秋桐廬思歸示道諺上人

桐江秋信早憶在故山時靜夜風鳴磬無人竹

掃墀猿來獨淨水鳥下啄寒梨可即關吾事歸

心自有期

舟行懷閩士和

二月湖南春草遍橫山渡口花如霰相思一日

在孤舟空見孤雲兩三片

寄題雲門寺梵僧無側房

時人傳是
實月後身

越山千萬雲門絕西僧貌古還名月清朝掃石

行道歸林下眠禪看松雪

法華寺上方題江上人禪室

路入松聲遠更奇山光水色共參差中峰禪寂
一僧在坐對梁朝老桂枝

題秦系山人麗句亭

獨將詩教領諸生但愛青山不愛名滿院竹聲
堪愈疾亂牀花片足忘情

奉和顏使君修韻海畢州中重宴得雙字

世學高南郡身封盛魯邦九流宗韻海七字揖
文江惜賞雲歸堞畱歡月在窻總不知名教樂千

雙字二字旁注

載與誰雙

游溪待月

溪色思泛月沿洄欲未歸殘燈逢水店疎磬憶
山扉夜浦魚驚少空林鵲遶稀可中纔望見撩
亂擣寒衣

往丹陽尋陸處士不遇

遠客殊未歸我來幾惆悵叩關一日不見人繞
屋寒花笑相向寒花寂寂遍荒阡柳色蕭蕭愁

暮蟬行人無數不相識獨立雲陽古木邊鳳翅
山中思古寺魚竿村口望歸船歸船不見見寒
煙離心遠水共悠然他日相期那可定關僧着
處卽經年

寄常一上人

雁塞五山臨汗漫雲州一路出青冥何因請住
嘉祥寺內史新脩湖上亭

贈柳喜自號嵩山老

一見嵩山老吾生恨太遲問君年幾許曾出上
皇時

酬秦系山人見寄

左右香童不識君擔簦訪我領鷗羣山僧待客
無俗物惟有窓前片碧雲

聽寒更寄朱巨川

欹枕聽寒更寒更發還住一夜千萬聲幾聲到
君處

秋居法華寺下院望高頂贈如獻上人
峰^峯色秋天見松聲靜夜聞影孤長不出行道在
深雲

送沈秀才之閩中得過字

楚客未成歌春風起綠波嶺重寒不到海近瘴
偏多野戍桄榔發人家翡翠過翻疑此中好君
問定如何

送履霜上人還金陵西山

携錫西山步綠莎禪心未了奈情何湘宮水寺
清秋夜月落風悲松栢多

送顧道士遊洞庭

見說洞庭無上路春遊亂踏五靈芝含桃風起
花狼籍正是仙翁棊散時

送邢台州濟

海上仙山屬使君石橋琪樹古來聞他時畫出
白團扇乞取天台一片雲

冬日梅溪送裴方舟之宣州

平明匹馬上村橋
花發梅溪雪未消
日短天寒愁送客
楚山無限路遙遙

送秘上人遊京

共居方異路
山伴與誰同
日冷行人少
時清古鎮空
煖瓶和雪水
鳴錫帶江風
撩亂終南色
遙應入夢中

送贊上人還京得微字

久遊春草盡
還寄北船歸
沙鳥窺中食
江雲入淨衣
秦原山色近
楚寺磬聲微
見說翻經館
多聞似爾稀

送李秀才赴盧婺州招得時字

山開江上色
孤賞去應遲
綠水延吳榜
秋風入楚詞
猿清獨宿處
木落遠行時
見說東陽守
登樓爲爾期

銅雀妓

強開樽酒向陵看憶得君王舊日歡不覺餘歌
悲自斷非關艷曲轉聲難

長門怨

春風日日閉長門搖蕩春心似夢魂意若遣花開
只笑妾不如桃李自無言

啼猿送客

萬里巴江外三聲月峽深何年有此路幾客共
沾襟斷臂分垂影流泉入苦吟悽涼離別後聞

此更傷心

江上風

江風西復東飄暴忽何窮初生虛無際稍起蕩
漾中應吹夏口檣竿折定覺湓城浪花咽今朝
莫怪沙岬明昨夜聲狂捲成雪

夏日登觀農樓和崔論使君詠微雨

片雨拂簷楹煩襟四座清霏微過麥隴蕭散傍
莎城靜愛和花落幽聞入竹聲朝觀趣無限高

詠寄關情

南樓望月

夜月家家望亭亭愛此樓纖雲溪上斷疎柳影
中秋漸映千峰出遙分萬派流關山誰復見應
獨起邊愁

詠史

田氏門下客馮公衆中賤一朝市義還百代名
獨擅始知下客不可輕能使主人功業成借問

高車與珠履何如疵賤一書生

送常清上人歸舒州

瀟人思爾法楚信有回船估客親宵話聞鷗偶
晝禪經聲含石浪塵尾拂江煙常說歸山意誅

茅廬霍前

送志弘沙彌赴上元受戒

上元江中有蔡洲古戒壇

不肯資章甫勝衣被木蘭今隨秣陵信欲及蔡
洲壇野寺鐘聲遠春山戒足寒歸來次第學應

見後心難

送烏程李明府得陟狀赴京

驛吏滿江城深仁見此情士林推玉振公府薦
冰清爲政移風久承恩就日行仲容綸綍貴南
巷有光榮

尋陸鴻漸不遇

移家雖帶郭野徑入桑麻近種籬邊菊秋來未
着花扣門無犬吠欲去問西家報道山中去歸

時每日斜

懷舊山

或作滄浩

一坐西林寺從來未下山不因尋長者無事到
人間宿雨愁爲客寒花笑未還空懷舊山月童
子念經闌

送稟上人遊越

雲泉誰不賞獨見爾情高投宿輕龍窟臨流笑
鷺濤折荷爲片席灑水淨方袍剡路逢禪侶多

應問我曹

從軍行

黃紙君王詔青泥校尉書
誓師張虎落選將擁
犀渠霧暗津蒲失天寒
塞柳疎橫行十萬騎欲
掃虜塵餘

隴頭水

隴頭心欲絕隴水不堪聞
碎影搖槍壘寒聲咽
幔裙素從鹽海積綠帶柳城分
日落天邊望透

迤入塞雲

塞下曲二首

寒塞無因見落梅胡人吹入笛
聲來勞勞亭上
春應度夜夜城南戰未回
都護今年破武威胡沙萬里鳥空飛
旄竿瀚海
掃雲出羶騎天山踏雪歸

支公詩

支公養馬復養鶴率性無羈多脫略
天生支公

與凡異凡情不到支公地得道由來天上仙爲
僧却下人間寺道家諸子論自然此公惟許道
遙篇山陰詩友喧四座佳句縱橫不廢禪

宿吳匡山破寺

與餘不溪廢寺略同

雙峰百戰後真界滿塵埃蔓草緣空壁悲風起
故臺野花寒更發山月暝還來何事池中水東
流獨不回

少年行

翠樓春酒蝦蟇陵長安少年皆共矜紛紛半醉
綠槐道蹀躞花驄驕不勝

春日杼山寄李縱員外

南山惟與北山鄰古樹連拳伴我一閉禪關老此身

一作古樹連拳伴我

身黃鶴有心多不住白雲何無一作事獨相親閑

持竹錫行深一作看水嬾着麻衣出見人無限幽

芳徒欲寄聊贈遠郎官那賞石門春

宿法華寺簡徹上人

至道無機但杳冥孤燈寒竹自青熒不知何處
小乘客一夜風前聞誦經

九月十日

變殺柴桑隱名溪近訟庭掃沙開野步搖舸出
關汀宿簡邀詩伴餘花在酒瓶悠然南望意自
有峴山青

晚秋破山寺

秋風落葉滿空山古寺殘燈石壁間昔日經行

人去盡寒雲夜夜自飛還

青陽上人院說金陵故事

君說南朝全盛日秣陵才子更最多人千年秋色
古池館誰見齊王西邸春

送僧之京師

綿綿渺渺楚雲繁萬里西歸望國門禪子初心
易悽斷秋風莫上少陵原

送許丞還洛陽

剡茗情來亦好斟
空門一別肯沾襟
悲風不動罷瑤軫
忘却洛陽歸客心

題湖上草堂

山居不買剡中山
湖上千峰處處關
芳草白雲畱我住
世人何事得相關

唐僧弘秀集卷二

唐僧弘秀集卷二

荷澤李

龔和父編

靈徹十一首

聽鶯歌

新鶯傍簷曉更悲
孤音清冷轉素枝
口邊血出語未盡
豈是怨恨人不知
不食枯桑甚不銜
苦李花偶然弄樞機
婉轉凌煙霞衆雛
飛鳴何踟

從自覘游蜂啄枯木玄猿何事朝夜啼白鷺長
在汀洲宿黑鵬黃鶴豈不高金籠玉鈎傷羽毛
三江七澤去不得風煙日暮生波濤飛去來莫
上高城頭莫下空園裏城頭鷓鴣烏拾羶腥空園
燕雀爭泥滓願當結舌含白雲五月六月一聲
不可聞

送鑒供奉歸蜀寧親

林間出定戀庭闈聖主恩深暫許歸雙樹欲辭

金錫冷

世尊入滅于
婆羅雙樹

四花猶向玉階飛

四花曼
殊沙摩

訶曼陀羅摩訶曼殊沙此云
柔軟曼陀羅此云適意也

梁山拂漢分清境

蜀雪和煙惹翠微此去不須求綵服紫衣全勝

老萊衣

朝廷賜僧
衣曰紫衣

九日和于使君上京思親故

清晨有高會賓從出東方楚俗風煙古汀洲水
木涼山情來遠思菊意在重陽心憶華池上從
容鷓鴣行

宿東林寺

天寒猛虎嘯巖穴林下無人空有月千年像教

今不聞

興像教龍樹大師也

焚香獨爲鬼神說

東林寺酬韋丹刺史

年老心閒無外事麻衣草座亦容身相逢盡道
休官去林下何曾見一人

答徐廣叔四問

童子出家無第行隨師乞食遣稱名長沙豈敢

論年幾絳老惟知甲子生

遠公墓

古墓石稜稜寒雲晚景凝空悲虎溪月不見鴈

門僧

歸湖南

山邊水邊待月明暫向人間借路行如今還向
山邊去只有湖水無路行

簡寂觀

古松古栢巖壁間猿攀鶴巢古枝折五月有霜
六月寒時見山翁來取雪

聞李處士亡

時時聞說故人死日日自悲垂老身白髮不生
應不得青山長在屬何人

天台山華頂峰

天台衆峰外華頂當寒空有時半不見崔嵬在
雲中

靈一二十八首

棲霞山夜坐

山頭戒壇路幽映雪巖側四面青石牀一峰苔
蘚色松風靜復起月影開還黑何獨乘夜來殊
非晝所得

宿天柱觀

石室初投宿仙翁喜暫容花源隔水見洞府過
山逢泉湧階前地雲生戶外峰中宵自入定非

是欲降龍

酬皇甫冉將赴無錫於雲門寺贈別

湖南通古寺來往意無涯
欲識雲門路千峰到
若耶春山子敬宅古木謝敷家
自可長偕隱那言相去賒

宜豐新泉

泉源新湧出洞澈映纖雲
稍落芙蓉沼初淹苔
蘚文素將空意合淨與衆流分
每到清宵月冷

冷夢裏聞

靜林精舍

靜林溪路遠蕭帝有遺蹤
水擊羅浮磬山鳴于
闐鐘燈傳三世火樹老萬株
松無數煙霞色空聞昔臥龍

江行寄張舍人

客程終日風塵苦蓬轉還家未有期
林色曉分殘雪後角聲寒奏落帆時
月高星使東看遠雲

破霜鴻北度遲流蕩此心難共說千峰澄霽隔
瓊枝

送王穎悟

客意天南興已闌不堪言別向仙官夢搖玉珮
隨旄節心到金華憶杏壇荒郊極望歸雲盡瘦
馬空嘶落日殘想得故山青靄裏泉聲入夜獨
潺潺

安公

彌天稱聖哲象法初繫賴弘道識行藏匡時知
進退秦王輕與舉習生重酬對學文古篆中義
顯新經內法服應華夏金言流海岱西方浮雲
間更陪龍花會

林公

支公信高逸久向山林住時將孫許遊豈以形
骸遇幸辭天子詔復覽名臣疏西晉尚虛無南
朝久淪悟因談老莊意乃盡逍遙趣誰爲竹林

賢風流相比附

遠公

遠公逢道安一朝棄儒服真機久消歇世教空
拘束誓入羅浮中遂棲廬山曲禪經初纂定佛
語新名目鉢帽絕朝宗簪裾翻拜伏東林多隱
士爲我辭榮祿

雨後欲尋天目山問元駱二公溪路

昨夜雲生天井東春山一雨一回風林花併逐

溪流下欲上龍池通不通

題王僧院

虎溪開月引相過帶雪松枝挂薜蘿無限青山
行欲盡白雲深處老僧多

宿靜林寺

山寺門前多古松溪行欲到已聞鐘中宵引領
尋高頂月照雲峰凡幾重

再還宜豐寺

再尋招隱地重會息心期
樵客問歸日山僧記別時
野雲陰遠甸秋雨漲前陂
勿謂探形勝吾今不好奇

酬陳明府舟中見贈

長溪通夜靜素舸與人閑
月影沈秋水風聲落暮山
稻花千頃外蓮葉兩河間
陶令多真意思一解顏

題東蘭若

上入禪室路徘徊萬木清陰向日開
寒竹影侵行道石秋風聲入誦經臺
閑雲不繫從舒卷狎鳥無機任往來
更惜片陽談妙理歸時莫待暝鐘催

送朱放

苦見人間世思歸洞裏天
縱令山鳥語不廢野人眠

歸岑山過惟審上人別業

禪客無心憶薜蘿自然行徑向山多知君欲問
人間事始與浮雲共一過

於潛道中作呈元八處士
茗水灘行淺潛行路漸深參差遠岫色迢遞野
人心凍澗冰難釋秋山月易陰不知天目下何
處是雲林
送殷判官歸上都
漾舟雲路客來過夕陽時向背堪遺恨逢迎宿

未期水容愁暮急花影動春遲別後王孫草青
青入夢思

贈別皇甫曾

幽人從遠岳過客愛春山高駕能相送孤舟且
未還紫苔封井石綠竹掩柴關若到雲峰外齊
心去住間

送陳元初卜居麻源

欲向麻源隱能尋謝客蹤空山幾千里幽谷第

三重茅宇寧須葺荷衣不待縫因君見往事爲
我謝喬松

秋題劉逸人林泉

涼飈亂黃葉遲客榻陰清蘿徑封行跡雲門閉
野情零林秋露響穿竹暮煙輕莫戀幽棲地懷
安却敗名

自大林與韓明府歸郭中精舍

野客同舟楫相携復一歸孤煙生暮景遠岫帶

春輝不道還山是誰云向郭非禪門有通隱誰
寂共忘機

同使君宿大梁驛

或作清江

旌旗江上出花外捲簾空夜色臨城月春寒度
水風雖然行李別且喜語音同若問匡廬事終
身媿遠公

題黃公陶翰別業

聞說花源堪避秦幽尋數月不逢人煙霞洞裏

無雞犬風雨林中有鬼神黃公石上三芝秀陶
令門前五柳新醉臥白雲閒作夢不知何物是
吾身

哭衛尚書

畫戟重門楚水陰天涯欲暮亦傷心南荆雙履
痕猶在北斗孤魂望已深蓮花幕下悲風起細
柳營邊曉月臨前路茫茫向誰問感君空有淚
沾襟

贈靈徹禪師

禪師來往翠微間萬里千峰到剡山何時共到
天台裏身與浮雲處處閒

惟審二首

春日旅懷呈知己

生涯萬事有蒼蒼應任流萍便越鄉春水獨行
人漸遠故園歸路夜空長一聲隔浦猿啼處數
滴驚心淚滿裳不爲知音皆鮑叔信誰江上去

茫茫

賦得聞黃鳥啼

捲簾清夢後芳樹引流鶯隔葉傳春意穿花送
曉聲未調雲路翼空負桂林情莫盡關關與羈
愁正厭生

唐僧弘秀集卷二

唐僧弘秀集卷三

荷澤李 韓和父編

護國十首

顯王喬觀傳道士所得

王喬已去空山觀白雲只今凝不散壇場月露
幾千年往往笙歌下天半瀑布西行過石橋黃
精採根還採苗忽見一人擎茶椀蓼花昨夜風

弘秀集卷二

吹滿自言住處在東坡白犬相邀隨邀我過松間
石上有碁局能使樵人爛斧柯

歸山作

誼靜各有路偶隨心所安縱然好朝市終不忘
林巒四皓將拂衣二疎能挂冠憲前隱逸傳每
日三時看靳尚那可論屈原亦可歎至今黃泉
下名及青雲端松牖見初月花間禮古壇何處
論論心懷世上空漫漫

別盛安

情人取次幾淹留別後南州與北州月色爲憐
今夜客砧聲那似去年秋欲除豺虎論略三略莫
對雲山詠四愁親故相逢且借問古來無種是
王侯

逢靈道士

浮丘山上見黃冠松栢森森登古壇一莖青竹
以爲杖數顆仙桃仍未餐長安市裏仍賣卜武

陵溪畔每燒丹縮地往來無定所
花源到處路漫漫

傷蔡處士

篋中遺草是琅玕對此空令灑淚看
三徑尚餘行跡在數螢猶是映書殘
晨光不借泉門曉暝色惟添龍樹寒
欲問皇天天更遠有才無命說應難

訪雲母山僧

森然古巖裏淨行一番僧松下瀘寒水
佛前挑夜燈蓮花國土異貝葉梵書能
想到空王境無心問愛憎

題王班水亭

湖上見秋色曠然如爾懷豈惟歡隴畝
兼亦外形骸待月歸山寺彈琴坐
煖齋布衣闌自貴何用謁天階

許州鄭使君孩子

毛骨貴天生肌膚片玉明
見人空解笑弄物不知名
國器嗟猶小門風望益清
抱來芳樹下時引鳳雛聲

愴故人舊居

惆悵至日暮寒鴉啼樹林
破階苔色厚殘壁雨痕深
命與時不遇福爲禍所侵
空餘行逕在令我歎人吟

臨川道中

出谷入谷路回轉秋風已至
歸期晚舉頭何處望來蹤
萬仞千山鳥飛遠無可二
十五首

遊山寺

千峰盤落盡林寺昔何名
步步入山影房房聞水聲
多年人跡絕殘日石陰清
自可求居止安閑過此生

秋寄從兄賈島

寄青龍寺原上人
斂屨入寒竹安禪過
漏聲高杉殘子落
深井凍痕生罷磬
風枝動懸燈雪屋
明何當招我宿
月上方行

暗蟲喧暮色默坐思西林聽雨寒更盡開門落
葉深昔因京邑病併起洞庭心亦是吾兄事遲
回直至今

送李騎曹之武寧

一歲一歸寧涼天數騎行河來當塞曲山遠與
沙平縱獵旗風卷聽笳帳月生新鴻引寒色回
日落京城

秋日寄厲玄先輩

楊柳起秋色故人猶未還別離俱自老少壯豈
能開夜雨吟殘燭秋城憶遠山何當一相見語
默此林間

贈詩僧

寒山對水廓竹葉影侵堂洗藥冰生岬開門月
滿牀病多身又老枕倦夜兼長來謁吾曹者呈
詩問否臧

送呂郎中赴滄州

出守滄州去西風送旆旌路遙經幾郡地盡到
孤城拜廟千山綠開樓遍海清何人共東望日
向積濤生

書馬如文石門居

別業逸高情暮泉喧客亭林回天闕近雨過石
門青野果誰來拾山禽獨臥聽要迎文會友時
復掃柴扃

送章正字秩滿東歸

朝衣登別席春色滿秦關芸閣吏誰替海門身
又還尋僧流水僻見月遠林開雖是忘機者難
齊去住間

送姚宰任苦吉州月安福縣

落絮滿衣裳携琴問水鄉挂帆南入楚到縣半
浮湘吏散翠禽下庭闌斑竹長人安宜遠泛沙
上蕙蘭香

送李少府之任臨邛

叩南方作尉調補一何卑發論惟公幹承家乃
帝枝山長風裊棧江陰石和漸舊井王孫宅還
尋獨有期

送僧歸中條

夜葉動飄飄寒來話數宵卷經歸物外轉雪下
山椒舊坐松杉大難行水石遙元戎宗內學應
就白雲招

贈圭峰禪師

絕壑禪床底泉分落石層霧交高頂草雲隱下
方燈朝滿傾心客谿通學道僧半旬持一食此
行有誰能

金州別姚合

日日西亭上春畱到夏殘言之離別易勉以道
途難山出一千里溪行三百灘松間樓裏月秋
入五陵看

隕葉

遶巷夾溪紅蕭條逐北風別林遺宿鳥浮水載
鳴蟲石小埋初盡枝長落未終帶霜書麗什聞
讀白雲中
李常侍書堂
結構因墳籍簷前竹未生塗油窻日早閱槩幌
風輕息架蛩驚客垂燈雨過城已應窮古史師
律孰齊名

送邵錫及第歸湖州

春關鳥啼罷歸慶浙煙西郡守招延重鄉人慕
仰齊橘青逃暑寺茶綠隔湖溪乘暇知高眺微
應辨會稽

送清散遊太白山

卷經歸太白躡蘚別蘿龕若履浮雲上須看積
翠南倚身松入漢瞑日月離潭此境堪長往塵
中事可諳

冬晚姚諫議宅會送元緒上人歸南山

禪客詩家見凝寒忽告還分題回諫筆畱偈出
商關盤徑緣高雪開房在半山自知麋鹿性亦
欲離人間

春晚喜悟禪師自瑠璃上方見過

瑠璃師到城談性外諸經下嶺雪霜在近人林
木清苔痕深草履瀑布滴銅瓶樂問山中事宵
言徹曉星

秋暮與諸文士集宿姚端公所居

宵清月復圓共集侍臣筵獨寡區中學空論樹
下禪風多秋晚竹雲盡夜深天此會東西去堪
愁又隔年

客中聞從兄島遊蒲絳因寄

遙遙行李心蒼野人寒深吟待黃河雪眠聽絳
郡砧差期逢缺月訪信出空林何處孤燈下只
聞嘹唳禽

送李長吉之任東井

江盤棧轉虛候吏拜行車家世維城後官資宰
邑初市饒黃犢賣田躡白雲鉏萬里千山路何
因欲寄書

宿安國簡公院

雨後清涼境因還欲不回井甘桐有露竹迸地
多苔幡映宮牆動香從御苑來青龍舊經疏

德山

著青龍疏寥落有誰開

夏日送崔秀才

南方山水地念子爲貧遊縱是逢佳景那能緩
旅愁夕陽行遠道煩暑在孤舟莫向巴山過猿
啼蹙淚流

唐僧弘秀集卷三

唐僧弘秀集卷四

荷澤李詩
龔和父編

清塞四十五首

畱辭杭州姚合郎中

波濤千里隔抱疾亦相尋
會宿逢高燒辭歸值
積霖叢桑山杏迴孤燭
海船深尚有重來約
知無省閣心

送分定歸靈夏

南遊多老疾見說講經稀
塞寺幾僧在關城空
自歸帶河衰草斷映月早沙飛
却到禪齋後邊
軍識衲衣

酬吳之問見贈

已當聽鴈夜多事不同居
故疾離城晚秋林見
月疎赴鐘關靜戶帶葉卷殘書
盪漿期南去荒園久廢鉏

送康紹歸建業

南朝秋色滿君去意如何
帝業空城在民田壞
塚多月圓臺獨上栗綻寺頻過
籬下西江水相思見白波

送耿山人歸湖南

南行隨老僧舊業一池菱
兩鬢已垂雪五湖歸
挂罾夜濤鳴柵鎖寒葦露
船燈此去應無事却
來期未能

休糧僧

一齋難過日况是更休糧養力時行道聞鐘不
上堂惟畱煨藥火豈寫化金方舊有山厨在從
僧請作房

贈李主簿

稅時兼主印每日得開稀對客妨科吏爲官亦
典衣案遲吟坐待宅近步行歸見說論詩道應
愁斷是非

栢巖禪師

野寺絕依念空山曾遍行老來披衲重病起讀
經生乞食嫌村遠尋溪愛路平多年栢巖住不
識栢巖名

宿開元寺樓

西峰殘日落誰見寂寥心孤枕客眠久兩廊僧
話深寒扉關雨氣風葉隱鐘音此愛東樓望仍
期別夜尋

送僧還南嶽

辭僧下水棚因聽嶽鐘聲遠路獨歸寺幾時重
到城風高寒葉落雨絕夜堂清自說深居後鄰
州亦不行

春日重至南徐舊居

綠水陰空院春深喜再來獨眠從草長畱酒看
花開過雨遠山出向風孤鳥回忽思秋夕事雲
物却悠哉

送僧歸江南

洗足北林去遠途今已分麻衣行嶽色竹杖帶
湘雲饑鼠緣危壁寒狸出壞墳前峰峯一聲磬此
夕不同聞

贈慶餘投書

風泉盡結冰寒夢徹西陵越信楚城得遠懷中
夜興樹停沙島鶴茶會石橋僧寺閣連官舍行
吟過幾層

尋北岡韓處士

相過值早涼
松帚掃山房
坐石泉痕黑
登城蘚色黃
逆風沈寺磬
初日耀鄰桑
幾處逢僧說
期來宿北岡

逢播公

帶病稀相見
西城早晚來
衲衣風壞帛
香印雨沾灰
坐久鐘聲盡
談餘嶽影回
却思同宿夜
高枕說天台

入靜隱寺途中作

亂雲迷遠寺
入路認青松
鳥道緣巢影
僧鞋印雪蹤
草煙連野燒
溪霧隔霜鐘
更遇樵人問
猶言過幾峰

冬日山居思鄉

太野始嚴凝
雲天曉色澄
樹寒稀宿鳥
山迥少來僧
昔日收窓雪
開爐釋硯冰
忽然歸故國
孤想寓西陵

送幻羣法師

北京從別後南越幾聽砧住久白髭出講長黃
葉深香連鄰舍像磬徹遠巢禽寂默應關道何
人見此心

玉芝觀王道士

四面松杉合空堂畫老仙蠹根停雪水曲角積
茶煙道至機心盡宵清琴韻全暫來還又去不
得坐經年

出關後寄賈島

故國知何處西風已度關歸人值落葉遠路入
寒山多難喜相識久貧寧自閑往來惟將來信遙
慰別離顏

春喜友人至山舍

鳥鳴春日晚喜見竹門開路自高巖入出人騎瘦
馬來折花林影動移石澗聲回更欲留深語重
城暮色催

留別南徐故人

二年蒙見待此夕是前程未斷却來約且伸臨
去情潮回灘鳥下月上客船明他日南徐道緣
君又重行

書實上人房

絕頂言無伴長懷落髮師齋歸門掩雪講徹樹
生枝沙井泉澄疾秋鐘韻盡遲里中還受請又
爽赤城期

早秋過郭涯書堂

暑消岡舍清闌語有餘情石水生茶味松風減
扇聲遠分臨海雨靜覺掩山城此地秋吟苦時
來遶菊行

哭閑霄上人

林逕西風急松枝講鈔餘凍髭亡夜剃遺偈病
時書地燥焚身後堂空著影初此來頻下淚曾
省到吾廬

送張諲之睦州

遙憶新安舊扁舟往復還淺深看水石來往逐
雲山到縣餘花在過門五柳開東征隨子去俱
隱薜蘿間

題何氏池亭

信是虛闌地亭亭亦有苔繞池逢石坐穿竹引
山回果落纖萍散龜行細草開主人偏好事終
不厭頻來

贈道士

藥力資蒼鬢應非舊日身一爲嵩嶽客幾葬洛
陽人石縫瓢探水雲根斧斫薪關西來往路誰
得水銀銀

送表兄東南遊

山水疊層層吾兄涉又登挂帆春背鴈尋磬夜
逢僧雪溜懸南嶽江雲蓋秣陵評文永不忘此
說是中興

晚秋江館寄姚郎中

病寄曲江居帶城傍門孤柳一蟬鳴澄波月上
見魚擲荒徑葉乾聞犬行越島夜無侵閣色寺
鐘寒有隔源聲故園賣盡休歸去湖水秋來空
自平

同處士秋懷少室故居

會居少室黃河畔秋夢長懸未得回扶病半年
離水石思歸一夜隔風雷荒齋幾遇僧眠後野
多苔

贈道人

布褐高眠石竇春迸泉多濺黑紗巾搖頭說易
當朝客落手圍碁對俗人自筭天年窮甲子誰
同夜雨守庚申擬歸太華何時去他日相尋乞
藥銀

寄新頭陀

見說北京尋祖後，瓶盂自挈遶窮邊。相逢竹塢
晦暝夜一別，茗溪多少年。遠洞省穿湖底過，斷
崖曾向壁中禪。青城不得師同住，坐想滄江意
浩然。

湘漢旅懷傑公

一宿空江聽急流，仍同賈客坐歸舟。遠書來隔
巴陵雨，衰鬢去經彭蠡秋。不擬爲身謀舊業，終
期斷穀隱高丘。吾宗尚作無家者，中夜廢吟生

旅愁

寄韓司兵

多病十年無舊識，滄州亂後始逢君。已知罷秩
辭瀧水，相勸移家住嶽雲。泗上旅帆侵疊浪，雪
中歸路踏荒墳。更爲此別愁應老，書劄何由到
北軍。

贈姚合郎中

望重來爲守土臣，清高還似武功貧。道從會解

惟求靜詩造玄微不赴新玉帛已知難撓思雲
泉終是得閒身兩衙向後長無事門館多逢請
益人

贈厲玄侍御

山松徑與瀑泉通巾舄行吟想越中塞鴈去經
華頂未鄉僧來自海濤東關分河漢秋鐘絕露
滴獼猴夜獄空抱疾因尋周柱史杜陵寒葉落
無窮

上陝府姚中丞

此心長愛狎禽魚仍候登封獨著書領郡只嫌
生藥少在官長恨與山疎成家盡是經綸後得
句應多諫諍餘見說養真求退靜溪南泉石許
同居

送韓評事

門枕平湖秋景好水煙松色遠相依罷官餘俸
租田種送客回舟載石歸離岸遊魚逢浪返望

巢寒鳥逆風飛嵩陽舊隱多時別閉目聞吟憶
翠微

宿隱靜寺上方

一宿五峰^峯杯渡寺虛廊中夜磬聲分疎林未落
上方月深澗忽生平地雲幽鳥背泉栖靜境遠
人當燭想遺文暫來此地歇勞足望斷故山滄
海濱

宿主簿林亭

獨樹倚亭新月入城牆四面鎖山多去年今夜
還來此坐見西風裊燕窠

送宗禪師

衡陽一別十三春行脚同來有幾人老大却思
歸嶽寺當時來^未漆祖師身

送蜀僧

萬里獨行無弟子惟齋筇竹與檀龕看經更向
吳中老應是山川似劔南

過僧竹院

一生愛竹自未有每到此房歸不能高人畱宿
話禪後寂寞雨堂空夜燈

送僧

草屨初登南客船銅瓶猶貯北山泉衡陽舊寺
秋歸後門鎖寒潭幾樹蟬

唐僧弘秀集卷四

癸亥十二月初八日按

唐僧弘秀集卷五

荷澤李

龔和父編

文益二首

觀木平和尚

木平山裏人貌古言復少相看陌路同論心秋
月皎壞衲線非蠶助歌聲有鳥城闕今日來一
漚曾已曉

看牡丹

擁毳對芳叢由來趣不同髮從今日白花是去年紅艷色一作異隨朝露馨香逐晚風何須待零落然後始知空尚

可止四首

山居

雪消春力展花漫洞門垂果長纖枝曲巖崩直道移重猿圍淺井鬪鼠下疎籬寒食微燈在高

風勢徹陂

寄積麥山會如長老

默然知大道塵世不相關青檜行時靜白雲禪處開貧高一生行病長十年顏夏滿期遊寺尋山又下山

送僧

四海無拘繫行心興自濃百年三事衲萬里一枝筇夜減當時影春消過雪蹤白雲深處去知

宿在何峰

哭賈島

燕生松雪地蜀死葬山根詩僻降今古官卑悞
子孫塚欄寒月色人哭苦吟魂墓雨滴碑字年
年添蘚痕

清江十三首

夕次襄邑

何處戒吾道經年遠路中客心猶向北河水自

歸東古戍鳴寒角疎林振夕風輕舟惟載月那
與故人同

嚴秘書宅會章八元

佳期曾不遠甲第即南鄰惠愛偏相及經過豈
厭頻秋寒林葉動夕霽月華新莫話羈栖事平
原是主人

贈淮西賈兵馬使

破虜功成百戰場天書新拜漢中郎映門旌旆

春風起對客絃歌白日長階下鬪雞花乍發營
南試馬柳初黃由來吳楚多同調感激逢君共
異鄉

送堅上人歸杭州天竺寺

十年勞負笈經論化中朝流水知鄉近和風惜
別遙雲山零夜雨花岸上春潮歸臥南天竺禪
心更寂寥

送贊律師歸嵩山

禪意歸心急山深定易安清貧修道苦孝友別
家難雪路侵溪轉花宮映嶽看到時瞻塔暮松
月向人寒

上都訓童十八兄

每歎經年別人生有幾年關河長問道風雨獨
隨緣寓蝶成莊夢懷人識禰賢徽猷不及此空
媿白華篇

登樓望月寄鳳翔李少尹

陌上涼風槐葉凋夕陽清露溼寒條登樓望月
楚山上月到樓南山獨遙心送秦人超鳳闕目
隨陽鴈極烟霄軒車不重無名客此地誰能訪
寂寥

湘川懷古

瀟湘連汨羅復對九嶷河浪勢屈原塚竹聲漁
父歌地荒征騎少天煖浴禽多脉脉東流水古
今同奈何

七夕

七夕景迢迢相逢只一宵月爲開帳燭雲作渡
河橋映水金冠動當風玉珮搖惟愁更漏促離
別在明朝

長安臥病

身世足堪悲空房臥疾時卷簾花雨滴掃石竹
陰移已覺生如夢堪嗟壽不知未能通法性詎
可免支離

送婆羅門僧

雪嶺金河獨向東，吳山楚澤意無窮。如今白首
鄉心盡，萬里歸程在夢中。

精舍遇雨

空門寂寂淡吾身，溪雨微微洗客塵。臥向白雲
情未盡，任他黃鳥醉芳春。

小雪

江雪臨風不厭看，更多還恐蔽林巒。愁人正在

書窓下，一片飛來一片寒。

法照三首

寄錢郎中

閉門深樹裏，閑足爲經過。駟馬不爲貴，一僧誰
奈何。藥苗家自有，香飯乞時多。寄語嬋娟客，將
心向薜蘿。

送清江上人

越人僧體古清，慮洗塵勞一國詩。名遠多生律

行高見山援葛藟避世著方袍早晚雲門去儂

應逐爾曹

僧伽闍衣
爲方袍

送無著禪師歸新羅國

萬里歸鄉路隨緣不筭程尋山百衲弊過海一
杯輕夜宿依雲色晨齋就水聲何年持貝葉却
到漢家城

寶月一首

行路難

君不見孤鴈關外發酸嘶度楊越空城客子心
腸斷幽閨思婦氣欲絕凝霜夜下拂羅衣浮雲
中斷開明月夜夜遙遙徒相思年年望望情不
歇取我匣中青銅鏡倩人爲君除白髮行路難
行路難夜聞南城漢使度使我流淚憶長安

廣宣七首

駕幸天長寺應制

天界宜春賞禪門不掩關宸遊雙闕外僧引百

花間車馬喧長路煙雲淨遠山觀空復觀俗皇
鑒此中開

九日菊花詠應詔

可訝東籬菊能知節候芳細枝青玉潤繁蕊碎
金香爽氣浮朝露濃姿帶夜霜泛杯傳壽酒應
共樂時康

駕幸聖容院應制

大唐國裏千年聖王舍城中百億身却指容顏
非我相自言空色是吾真深殿虔心隨寶輦廣
庭徐步引金輪古來貴重緣親近狂客慙爲侍
從臣

聖恩顧問獨遊月磴閣直書其事應制

禪居河畔無多地來往尋春物正華磴道上盤
千畝竹欄干低壓數萬人家簷前施飯來飛鳥林
下行春踏落花自解剎那知佛性不勞更喻幾

塵沙

安國寺隨駕幸興唐觀應制

東林何殿是西鄰禪客垣墻接羽人萬乘遊仙
宗有道三車引路本無塵初傳寶訣長生術已
證余剛不壞身兩地盡修天上事共瞻鑾駕重
來巡

三車謂羊車鹿車牛車
玄門亦有三車謂穴也

早秋降誕日獻壽二首應制

秋莫開七葉元聖誕千年繞殿祥風起當空瑞
日懸道光中國主人識大羅仙敢贊無疆壽香

花上法筵

其二

萬方瞻聖日九土仰清光罄地山河壯彌年福
壽長瑞烟薰法界真偈啓仁王看獻千秋樂千
秋樂未央

唐僧弘秀集卷第五